

藥

地

炮

莊

謝翁曼衍

春浮行者
蕭伯升較

撥塵見佛意須
揮劍若不揮劍
漁父何樂莊生
用此刺破人心
肝五臟人亦有
刺破莊生之心
所五臟者乎
目而語難固不
可少

藥地炮莊卷之九

天界覺杖人評


極九孝人弘智集

三一齋老人正

涉江子陳丹衷訂

說劍第三十

昔趙文王喜劍劍士夾門而客三千餘人日夜相擊
於前成傷者歲百餘人好之不厭如是三年國衰諸
侯謀之太子惺患之募左右曰孰能說_{音悅}王之意止
劍士者賜之千金左右曰莊子當能太子乃使人以
千金奉莊子莊子弗受與使者俱往見太子曰太子
何以教周賜周千金太子曰聞夫子明聖謹奉千金



或曰王者劍諸侯劍庶人劍何如看劍挂劍全舉奉掛之或人擬議余曰養身失命也未知金剛王劍獨當門殺法須知匣裏有水木紅爐雪下洋三環設

以幣從者夫子弗受。慍尚何敢言。莊子曰：聞太子所欲用周者，欲絕王之喜好也。使臣上說大王而逆王意，下不當太子，則身刑而死。周尚安所事金乎？使臣上說大王，下當太子，趙國何求而不得也。太子曰：然。吾王所見唯劍士也。莊子曰：諾。周善為劍。太子曰：然。吾王所見劍士，皆蓬頭突髻，垂冠曼髮，胡之纓短後之衣，瞋目而語難。王乃說之。今夫子必儒服而見王，事必大逆。莊子曰：請治劍服。治劍服三日，乃見太子。太子乃與見王。王脫白刃待之。莊子入殿門，不趨，見王不拜。王曰：子欲何以教寡人，使太子先曰：

臣聞大王喜劍故以劍見王王曰子之劍何能禁制
曰臣之劍十步一人千里不留行王大說之曰天下
無敵矣莊子曰夫爲劍者示之以虛開之以利後之
以發先之以至願得試之王曰夫子休就舍待命令
設戲請夫子王乃校劍士七日死傷者六十餘人得
五六人使奉劍于殿下乃召莊子王曰今日試使士
敦劍莊子曰望之久矣王曰夫子所御杖長短何如
曰臣之所奉皆可然臣有三劍唯王所用請先言而
後試王曰願聞三劍曰有天子劍有諸侯劍有庶人
劍王曰天子之劍何如曰天子之劍以燕谿石城爲

鋒齊岱爲鏑。晉魏爲脊。周宋爲鐔。音韓魏爲夾。音包以四夷。裹以四時。繞以渤海。帶以常山。制以五行。論以刑德。開以陰陽。持以春夏。行以秋冬。此劍直之無前。舉之無上。案之無下。運之無旁。上決浮雲。下絕地紀。此劍一用。匡諸侯。天下服矣。此天子之劍也。文王茫然自失曰。諸侯之劍何如。曰。諸侯之劍。以知勇士爲鋒。以清燕士爲鏑。以賢良士爲脊。以忠勝士爲鐔。以豪傑士爲夾。此劍直之亦無前。舉之亦無上。案之亦無下。運之亦無旁。上溢圓天。以順三光。下溢方地。以順四時。中和民意。以安四鄉。此劍一用。如雷霆之

震也。四封之內無不賓服而聽從君命者矣。此諸侯之劍也。王曰：庶人之劍何如？曰：庶人之劍蓬頭突鬚，垂冠曼胡之纓，短後之衣，瞋目而語難，相擊于前，上斬頸領，下決肝肺。此庶人之劍，無異於鬪雞。一旦命已絕矣，無所用於國事。今大王有天子之位而好庶人之劍，臣竊為大王薄之。王乃幸而上殿，宰人上食。王三環之，莊子曰：大王安坐定氣，劍事已畢矣。於是文王不出宮。三月，劍士皆服斃其處也。曼胡，粗縷也。無文理也。

鐔，劍刀也。鐔，劍口也。鈇，把也。一云：鐔從後向背，鈇從後向刀也。三環，周義而轉，繞劍三周，不能坐食也。服斃，謂忿不見禮皆自殺也。服，刀出鞘也。

涉江曰。學者第一要作得主。不被外物轉。全憑皈依金剛上師。得此慧劍。八面揮截。安坐定氣。果畢奏否。

適芥曰。如來有一語三昧。正語三昧。愛語三昧。此說劍者愛語也。正語之理。久爲迂士膠鼓陳陳。相因腐氣。令人噁嘔。高士庸之。才士厭之。因而爲轉語。隱語。反語。側語。機鋒所起。亦不得已。故達者不妨隨機接人。伏戎乘奔。先眺後笑。納牖遇卷。手擒惕號。早見於易象矣。田中插鐵床。上推枕。劍刃上事。紅爐米冷。

維地絃歌曰維
惟琴瑟不須終
又彼風吹別調
中設道漁郎能
川拽船頭血浪
舞可來聽此者
真勝臚子詞何
如側調工龜交
隨水陸易道破
長空石門荷貴
化身不少能龍
能蛇者畢竟是
龍

漁父第三十一

孔子遊乎絃帷之林。休坐乎杏壇之上。弟子讀書。孔
子絃歌鼓琴。奏曲未半。有漁父者。下船而來。鬻脰交
白。披髮揄袂。行原以上。距陸而止。左手據膝。右手持
頤。以聽曲終。而招子貢于路。二人俱對。客指孔子曰。
彼何爲者也。子路對曰。魯之君子也。客問其族。子路
對曰。族孔氏。客曰。孔氏者何治也。子路未應。子貢對
曰。孔氏者。性服忠信。身行仁義。飾禮樂。選人倫。上以
忠於世主。下以化於齊民。將以利天下。此孔氏之所
治也。又問曰。有土之君與。子貢曰。非也。侯王之佐與。

愚曰七十從心所欲不踰矩故斷作六十九耳若漢下地本自如此未出胎本自如此豈不笑殺漁父耶

子貢曰非也客乃笑而還行言曰仁則仁矣恐不免其身苦心勞形以危其真嗚呼遠哉其分於道也子貢還報孔子孔子推吐琴而起曰其聖人與乃下求之至於澤畔方將杖竿而引其船顧見孔子還鄉而立孔子反走再拜而進客曰子將何求孔子曰曩者先生有緒言而去丘不肖未如所謂竊侍於下風幸聞咳唾之音以卒相丘也客曰噫甚矣子之好學也孔子再拜而起曰丘少而修學以至於今六十九歲矣無所得聞至教敢不虛心客曰同類相從同聲相應固天之理也吾請釋吾之所有而經子之所以

予之所以者人事也。天子諸侯大夫庶人。此四者自
正。治之美也。四者雖位而亂。莫大焉。官治其職。人憂
其事。乃無所陵。故田荒室罄。衣食不足。徵賦不屬。音
妻妾不和。長少無序。庶人之憂也。能不勝任。官事不
治。行不清白。羣下荒怠。功美不有。爵祿不持。大夫之
憂也。廷無忠臣。國家昏亂。工技不巧。貢賦不美。春秋
後倫不順。天子諸侯之憂也。陰陽不和。寒暑不時。以
傷庶物。諸侯暴亂。擅相攘伐。以殘民人。禮樂不節。財
用寡匿。人倫不飭。百姓流亂。天子有司之憂也。今予
既上無君侯有司之勢。而下無大臣職事之官。而擅

八觀四患。今能
免者。奇人尤甚。

不擇善。不兩容。
頗通。修核其所。
欲。此非末世偏。
言。無善無惡。以。
藏。無忌憚之身。
者。能早被莊子。
欲敗。
能。能于德。其後。
恒。能善。則之可。
以。休。影。使。八。疵。
四。患。者。論。之。其。
究。賢。能。非。之。巧。
又。當。何。如。耶。與。
且。生。曰。論。有。意。
之。心。欺。則。無。若。
于。論。獨。之。必。不。
可。欺。則。無。小。人。

卷之九

五

此蘇軾

飭禮樂。選人倫。以化齊民。不泰矣。事乎。且人有八疵。
事有四患。不可不察也。非其事而事之。謂之總莫之。
顧而進之。謂之佞。希意道言。謂之諂。不擇是非而言。
謂之諛。好言人之惡。謂之譏。析交離親。謂之賊。稱譽。
詐偽。以敗惡人。謂之黑。不擇善否。兩容頗。或頗。適倫。
拔其所欲。謂之險。此八疵者。外以亂人。內以傷身。君。
子不友。明君不臣。所謂四患者。好經大事。變更易常。
以挂功名。謂之叨。專知擅事。侵人自用。謂之貪。見遇。
不更。聞諫。愈甚。謂之狠。人同於己。則可。不同於己。雖。
善。不。善。謂之訾。此四患也。能去八疵。無行四患。而始。

凡稱勉強則呵
之爲人信勢必
公然纘纘乃可
爲真若說調
停又是兩客相
適請參

可致己。孔子愀然而歎再拜而起曰。丘再運于營。削
迹於衛。伐樹于宋。圍於陳蔡。丘不知所失。而離音此
四謫者。何也。客悽然變容曰。甚矣子之難悟也。人有
畏影惡迹而去之走者。舉足愈數。而迹愈多。走愈疾。
而影不離身。自以爲尚遲。疾走不休。絕力而死。不知
處陰以休影。處靜以息迹。愚亦甚矣。子審仁義之間。
察同異之際。觀動靜之變。適受與之度。理好惡之情。
和喜怒之節。而幾於不免矣。謹修而身。慎守其真。還
以物與人。則無所累矣。今不修之身。而求之人。不亦
外乎。孔子愀然曰。請問何謂真。客曰。真者。精誠之至。

一其素見惟至
誠致行者知之
不則以無其不
假無似不無之
冒進而反為詭
隨作錦囊矣那
于人理四字括
出要緊。

淵明連雨獨飲
詩曰秋酌不消
送重陽思忘天
天豈去此哉佳
其無所主此送
其其不選其其
後世專靠酒量
便為淵明又早
落手也夫。

也。不精不誠不能動人。故強哭者雖悲不哀。強怒者
雖嚴不威。強親者雖笑不和。真悲無聲而哀。真怒未
發而威。真親未笑而和。真在內者神動于外。是所以
貴真也。其用于人理也。事親則慈孝。事君則忠貞。飲
酒則歡樂。處喪則悲哀。忠貞以功為主。飲酒以樂為主。
處喪以哀為主。事親適為主。功成之美無一其迹
矣。事親以適不論所以矣。飲酒以樂不選其具矣。處
喪以哀無問其禮矣。禮者世俗之所為也。真者所以
受於天也。自然不可易也。故聖人法天貴真不拘於
俗。愚者反此。不能法天而恤于人。不知貴真祿祿而

齊地曰：此下
 之通受與鼓
 之通受如何
 見耶：洛浪西
 萬古招鬼思
 真：怒擊波卷地
 文：許與謝安集
 王：淡許問主人
 有：慈于王正得
 通：父一篇謝右
 通：便各使四生
 通：文公先作七
 百：許語後對精
 展：才誇奇拔報
 咸：何書四生各
 言：懷畢謝後起
 難：自終焉除語
 才：性分遠虛矣
 自：得支曰一往

受變于俗故不足惜哉子之蚤湛于儒而晚聞大道
 也孔子又再拜而起曰今者丘得遇也若天幸哉先
 生不差而比之服役而身教之敢問舍所枉請因受
 業而卒學大道客曰吾聞之可與往者與之至于妙
 道不可與往者不知其道慎勿與之身乃無咎子勉
 之吾去于矣吾去于矣乃刺船而去延綵轡問顏淵
 還車于路受綬孔子不顧待水波定不聞擊音而後
 取乘于路旁車而問曰由得為役久矣未嘗見夫子
 遇人如此其威也萬乘之主千乘之君見夫子未嘗
 不分庭伉禮夫子猶有倨傲之容今漁父杖擊逆立

升詩故復自佳
耳愚者曰何用
七百語又與餘
語相勝耶一往
奔詣早落半途
知是支公一棒
否一客曰休影
息遂見趙父之
真也吾則曰述
本自息何暇平
行以物與人虛
心自養我若在
還車授綬之時
便當從此過父
之船豈不便是
渡天一棒

而夫子曲要繫抗再拜而應得無太甚乎。門人皆怪
夫子矣。漁父何以得此乎。孔子伏軾而歎曰。甚矣由
之難化也。湛于禮義有間矣。而桷鄙之心。至今未去。
進吾語。汝夫遇長不敬。失禮也。見賢不尊。不仁也。彼
非至仁。不能下人。下人不精。不得其真。故長傷身。惜
哉。不仁之於人也。禍莫大焉。而由獨攬之。且道者萬
物之所由也。庶物失之者。咸得之者。生為事逆之則
敗。順之則成。故道之所在。聖人尊之。今漁父之於道
可謂有矣。吾敢不敬乎。論快揮快也。齊民語。言平居
春秋後倫。朝觀不及等也。


愚曰。論語寫下車不得言。楚詞遂去攸然何極。

卓乘者為日踐
形固有方手間
譯已惡險矣杖
幾門培從來相
幾五賢先饋亦
一登驚盡人是
為技成得中賢
付急于自白就
協唐許而能不
此其所不為耶
只得以為為球
蟻聚逐此龍珠
已而

列御寇三十二

列禦寇之齊中道而反遇伯昏瞀人伯昏瞀人曰奚
方而反曰吾驚焉曰惡乎驚曰吾嘗食于十漿而五
漿先饋伯昏瞀人曰若是則汝何為驚也曰夫內誠
不解形謀音謀成光以外鎮人心使人輕乎貴老而整
其所患夫整人特為貪幾之貨多餘之贏其為利也
薄其為權也輕而猶若是而况於萬乘之主乎身勞
于國而知盡於事彼將任我以事而效我以功吾是
以驚伯昏瞀人曰善哉觀乎汝處已人將保汝矣無
幾何而往則戶外之屢滿矣伯昏瞀人北面而立敦

前言美友此言
行樂



杖蹙之乎。願立有間。不言而出。賓音者以先。列子

提屣跣而走。暨乎門。曰。先生既來。曾不發藥乎。曰。已

矣。吾固告汝曰。人將保汝果保汝矣。汝能使人保汝

而汝不能使人無保汝也。而焉用之。感豫出異也。必

且有感。搖而本才。一作性又無謂也。與汝遊者。又莫汝

告也。彼所小言。盡人毒也。莫覺莫悟。何相孰也。巧者

勞而知者。憂無能者。無所求食。而遨遊。汎若不繫之

舟。虛而遨遊者也。也。列子作無多餘之氣。致堅也。

五老曰。小言盡人毒也。故為大言。搖而本才。其毒

何如。必曰。以毒攻毒。必曰。究消其毒。問翁曰。無門

只為此一孟天
酒前後請許
客方設耐暢
見此父子兄弟
同醉者生淚楊
而醉者為侍者
曰何不以一孟
令人樂地一字
曰醉不

無幾何必杞憂三山街人羅蠅封紙而嚙之曰仰
天笑遊開公子驚奇市之開則飛去失笑而已
鄭人緩也呻吟喪氏之地祇支三年而緩為儒河潤
九里澤及三族使其弟墨儲墨相與辯其父助翟十
年而緩自殺其父夢之曰使而子為墨者予也闔胡
嘗視其良既為秋柎之實矣夫造物者之報人也不
報其人而報其人之天彼固使彼夫人以已為有以
與於人以賤其親齊人之井飲者相拌音也故曰今
之世皆緩也自是有德者以不知也而况有道者乎
古者謂之遁天之刑良良人也或
作娘家也

分聚有數不使
謀各經道能大
同觀其別海何
曾拒百川決

愚曰知道易勿
言難正好自己
一箇何故累體
連爲世尊四十
九年說法不覺
說一字知此即
當一擱也耶聖
人止是就事言
事事不厭說天
何言哉道不可
得而聞也亦有
曰然言細語皆
第一義耳是意
後不無文當一

東坡曰茶欲白墨欲黑求黑難漆白求白難雪黑
愚曰如此兄弟自分難把尊翁調停不得世間便
有一種不黑不白之茶墨高價傳家豈不寬和

聖人安其所安不安其所不安。人安其所不安不
安其所安。莊子曰知道易勿言難知而不言所以之
天也。知而言之所以之人也。古之人天而不人

朱泮音漫學屠龍於支離盆單千金之家三年技成
而無所用其巧舊以盆字歸句消文方類

杖云天地間神變莫如龍而能屠龍者非神之又
神者乎。泮漫所學而高無利德既支離而道益卑

此蘇軾

聖居曰二十年
 黃典什借一問
 為形神我微思
 遷地答不得今
 則曰何必賦化
 問曰二十年答
 得何必二宅或
 問興化如何答
 曰不為凡與必
 不必有優劣五
 然張問于昭曰
 萬象之中獨靈
 中是靈萬象不
 能萬象昭曰不

矣窮而奇矣道大則世莫能容。數奇則不似彼握
 奇而用天下之數以神變化行鬼神者。固自有人。
 聖人以必不必故無兵。眾人以不必必之故多兵。順
 于兵故行有求。兵恃之則亡。

亢倉子曰懷悲未發兵也。豈止鋒鏑之慘。

杖云兵非干戈。即天下之數也。能不執一。則二三

四五。能不必也。孔子毋固毋必。不執一。自與天命

流行矣。何不可藏乎屠龍之技。

小夫之知。不離苞苴竿牘。蔽精神于蹇淺。而欲兼濟

道。導物太一形虛。若是者。迷惑于宇宙。形累不知太

說曰兩側。

甘肅其升如此
性合猶是氣不
分語。

所治愈下得車
愈多正謂其曲
續其和爾寒
非生身乃長養
相與不能甘其
而形謹成光乎

初彼至人者。歸精神乎無始。而甘冥乎無何有之鄉。

水流乎無形。發泄乎太清。悲哉乎汝為知在毫毛而

不知大寧。乎暗首簡為
書相問遺也

杖云無何有之鄉。非絕物之所也。於有而不見其

有。于無而不見其無。太一形虛。而萬物森羅。本自

甘冥。聖人剛述轍環。即此踐形。即此空空。關尹曰

在已無居。形物自著。豈患宇宙之迷惑乎。

宋人有曹商者。為宋王使秦。其往也得車數乘。王說

之。益車百乘。反於宋。見莊子曰。夫處窮閭阨隘巷

困窮織屨。偏項黃臙者。商之所短也。一解萬乘之

而從事百乘者商之所長也。莊子曰：「秦王有病召
醫，破癰潰腫者得車一乘，舐天痔者得車五乘，所治
愈下得車愈多。」豈治其痔耶？何得車之多也？子行
矣。」

杖云：嘗觀閩西蟠李乞墻登壇，孟子罵世，慣用吹
毛莊子，更難相與為其口談，無是非而勢更甚也。
嗟乎！生才具眼如此，無一知己，惟不得他。

魯哀公問於顏回曰：「吾以仲尼為貞幹，國其有廖乎？」
曰：「殆哉！坂牛仲尼方且餘羽而毒，從事華辭以支為
首，忍性以視民而不知不信，受乎心，宰乎神，夫何足

聖言稱道而則
莊子語道耶
生非語道耶
而可文不若床
石是一說也
不誠好言實乎
莊子語道耶

君子懷刑故見
內平之刑聖人
和茂故磨內外
之刑王人自既
而已

山川險路去運
來厚故流情一
陳氏李是春秋
下更托直揮兩
手讓人情也元
明審伏光昭誠
存焉

以上民彼宜汝與音余予願與誤而可乎人使民離實
學偽非所以視民也為後世慮不若依之難治也施
於人而不忘非天布也商賈不商雖以事一作士齒之
神者弗齒為外刑者金與木也為內刑者動與遇也
皆人之離音離外刑者金木訊之離內刑者陰陽食之
夫免乎外內之刑者惟其人能之一作訊
孔子曰凡人心險于山川難於知天天猶有春夏秋冬
夏旦暮之期人者厚貌深情故有親愿而益有長者
不肖有順一作悞悞音悞而達有堅而綬有緩而針音針故
其就義者溺者其去義者然故君子遠使之而觀其

劉曰則言誠語
令與隱刺不知
誰指而古今常
有此人

忠近使之而觀其敬順使之而觀其能卒然問焉
而觀其知急與之則而觀其信委之以財而觀其仁
告之以危而觀其節醉之以酒而觀其則雜之以處
而觀其色九徵至不肖人得矣

杖云大聖至誠待天下未必盡以此觀人然亦足
以觀人人自以爲有所得者毫毛乍起忍耐不得
正考父一命而偃再命而微三命而俯循牆而走孰
敢不軌如而夫者一命而呂錡再命而于車上偃三
命而各諸父執協唐許賊莫大乎德有心而心有聽
及其有聽也而內視內視而敗矣凶德有五中德爲

外點三日以我
之筆點人之不
能此點人之心
上點近大慈
云動不可道我
會施不會到日
正是怕他會

首何謂中德中德也者有以自好也而毗音其其所不
為者也。取有八極達有三必形有六府美髯長大壯
麗勇敢八者俱過人也。因以是窮緣循僥倖音其困畏
不若人三者俱通達知慧外通勇動多怨仁義多貴
達生之情者傀達于知者肖達大命者隨達小命者
遭。

方思善曰言八者窮之極也三貴達之必也形者
表暴於外府者蓄藏于中知慧勇動仁義所謂六
府也達生者無心達知者無曉達命者與天遊
焦云佛說五種眼惟天眼肉眼眼柱面慈法佛眼皆

愚曰其子得千金之珠其父取石來鍛之生千寶惜一時放下雲天夢地重新整粉上如此持子而父子皆足鄭子十乘驕侮莊子者固笑可矣莊子提此空花驕即萬世其是騎萬世之孫其

狂心彼心眼者德之成此心眼者德之敗疑否

人有見宋王者錫車十乘以其十乘驕釋音莊子昨

子曰河上有家貧恃緯蕭而食者其子沒于淵得千

金之珠其父謂其子曰取石來鍛音之之夫千金之珠

必在九重之淵而驪龍領下子能得珠者必遭其睡

也使驪龍而寤子尚奚微之有哉今宋國之漢非直

九重之淵也宋王之猛非直驪龍也子能得車者必

遭其睡也使宋王而寤子為整粉矣或聘于莊子莊

子應其使曰子見夫犧牛乎衣以文繡食以芻菽及

其牽而入於太廟雖欲為孤犢其可得乎音莊子昨

長無電尾不遇
樂生而已獨體
關生而體覺與
此同耶別耶所
同文曰前有一
尊酒後有三天
頃刻為蟻蟻亦
是迷夢小茶

出此以華得車而明其不為利祿動耳。下段言連或
生不作人間必後之體面也。問答之詞。又離取韻。
莊子將成弟子欲厚葬之。莊子曰。吾以天地為棺槨。
日月為連璧。星辰為珠璣。萬物為齋。送。吾葬具豈
不備耶。何以加此。弟子曰。吾恐烏鸛之食夫子也。莊
子曰。在上為烏鸛食。在下為螻蟻食。奪彼與此。何其
偏也。以不平平。其平也不平。以不徵徵。其徵也不徵。
明者惟為之使。神者徵之。夫明之不勝神也久矣。而
愚者恃其所見。入于人。其功外也。不亦悲乎。

杖云。莊子未死。先將世人沾茶毘之。亦敲枷打鎖。
解脫門也。佛法未來。而莊子自作此茶毘語。亦奇。

天下第三十三

以方術道術連
提懸焉同門風
世克到族入門
須辨主神何內
陸明何山退早
是西堂下特實
主賢疾愚者曰
聖
陸丹曰孔子吐
出學字春御悟
宗杜敬字于庭
明藏宗字于作
後皆論選得有
者一句則不失
提諸科子更徒
無進言漫天撥
出并到今日推
西蔡東一竭楚

天下之治方術者多矣。皆以其有為不可加矣。古之
所謂道術者。果惡乎在。曰無乎不在。曰神何由降。明
何由出。聖有所生。生有所成。皆原於一。不離于宗。謂
之天人。不離于精。謂之神人。不離於真。謂之至人。以
天為宗。以德為本。以道為門。兆於變化。謂之聖人。以
仁為恩。以義為理。以禮為行。以樂為和。薰然慈仁。謂
之君子。以法為分。以名為表。以參一作陸為驗。以稽為
決。其數一二三四是也。百官以此相齒。以事為常。以
衣食為主。蕃息畜藏。老弱孤寡為意。皆有以養民之

致遠發亦通仔
細簡點將米漆
剛高紙雅免何
以故紙為特地
往招魂各鎮與
方貴假勢者
曰且道裂得破
裂不破
致曰志于道操
于德依於仁將
於藝亦可與此
同參一菴口所
任和時亦是臨
濟四時照者以
影瘦日光照正
視難開眼
正弄曰集夕安
索師是游心師
明之薪火搖漢
唯識即草采齊

理也古之人其備乎配神明醇天地育萬物和天下
澤及百姓明于本數係於末度六通四辟音大小精
粗其運無乎不在其明在數度者舊泐世傳之史尚
多有之其在于詩書禮樂者鄒魯之士緒紳先生多
能明之詩以道志書以道事禮以道行樂以道和易
以道陰陽春秋以道名分其數散于天下而設於中
國者百家之學時或稱而道之天下大亂賢聖不明
道德不一天下多得一察焉以自好譬如耳目鼻口
皆有所明不能相通猶百家眾技也皆有所長時有
所川難殫不該不遍一曲之士也判天地之美析萬

跡製之而主日
心與事俱先有
真無歸齊而人
道製矣別徑歷
版畫變精奇究
歸天下一篇其
議止于極物乘
猶資非餘波也
殊未盡索性為
他打倒打將謂
別有
袁公安早該離
致晚乃悔悟口
向旋無聲吳為
網領不知酒婦
應對和韻賴也
人知學通于悟
為極則豈知藏
悟于學之無家
毛音有句口爾

物之理察古人之全寡能備於天地之美稱神明之
容是故內聖外王之道問而不明鬱而不發天下之
人各為其所歛焉以自為方悲夫百宋往而不反必
不合矣後世之學者不幸不見天地之純古人之大
體道術將為天下裂

杖云首稱鄒魯之士明謂孔子刪訂作述集羣聖
之大成後學不見聖人之大全自為不該不通一
曲之士此大道所以終裂也故後歷敘諸家皆是
聞風起者誰能如鄒魯先生之據上風哉孟子謂
尹任而近褻夷齊而近隘惠和而不恭獨孔子為

通者太多。好學
者太少。而鬼
大馬。難易人
已。曉。樂鼓木自無
中邊。節。素入手
不可少。恰笑尼
山一大海。拿。編
三絕。不知老。知
音。收。拾。一。毫。端
莫。論。拈。花。與。落
舞。已。而。曰。一。整
難。繁。製。即。是。集
如今有。屬。指。數
得出者。度。拍。背
有分。
試。數。看。一。二。三
四。不。言。五。四。邊
不。壞。中。何。子。答
為。度。入。兩。極。上
下。視。察。數。一。何

聖之時集大成而賢於堯舜。自生民以來未有也。
此篇議論正與相同。以天為宗。以德為本。以道為
門。兆于變化。謂之聖人。如不稱孔子。又誰能當此
稱乎。

潛艸曰。其數一二三四。不言五者。五在其中。從此
千之萬之。故曰。其數散于天下。邵子曰。四常不壞。
而一常不可見。蓋從小衍悟入。孔子只提中五。豈
非以本數末度為端幾。而即費知隱者乎。莊子亦
曰。議之所止。極物而已。以有形者象。無形者而定。
矣。胡康侯曰。象數者。天理也。非人之所能為也。張

若不曉諸數太
事貴生若無節
損何能鼓舞

子歎天秩天序為六合七尺現在不欺何不參此
大體

愚曰莊言明于本數係于末度節卦曰制數度議
德行蓋數自有度因而制之秩序變化盡于河圖
洛書矣故曰數為藏本末之端幾而數中之度乃
統本末之適節也道之審也

不侈於後世不靡于萬物不暉于數度以繩墨自矯
而備世之急古之道術有在於是者墨翟禽滑音釐
聞其風而說音之為之大過已之大術作為非樂命
之曰節用生不歌歎無服墨子犯愛無利而非顯其

杖曰以繩墨自
矯而備世之急
二語足以繩墨
子矣矯急可施
于天下乎且為
鄙山茅塞甚不
妨點大一燒山

道不怒。又好學而博。不異。不與先王同。毀古之禮樂。
黃帝有威池。堯有大章。舜有大韶。禹有大夏。湯有大
濩。文王有辟雍之樂。武王周公作武。古之喪禮。貴
賤有儀。上下有等。天子棺槨七重。諸侯五重。大夫三
重。士再重。今墨子獨生不歌。歿不服桐棺三寸。而無
槨。以爲汰。式以此教人。恐不愛人。以此自行。固不愛
己。未敗墨子道。雖歿。歿而非歌。哭而非哭。樂而非樂。
是果類乎。其生也勤。其歿也薄。其道大觥。使人愛
使人悲。其行難爲也。恐其不可以爲聖人之道。反天
下之心。天下不堪。墨子雖獨能任。奈天下何。離於天

民曰外道之不
善學蓋山者以
直委竟使為若
行不如北不能
成佛又為知佛
之所以為佛雖
然如此人不識
好若其達路非
然則誰知脫累
如世露

下其去王也遠矣墨子稱道曰昔者禹之經洪水決
江河而通四夷九州也。名山三百，支川三千，小者無
數。禹親自操耒耜而九平雜天下之川，腠無胥，音脰
無毛，沐甚風，櫛疾雨，置萬國，禹大聖也，而形勞天下
也如此，使後世之墨者，多以裘褐為衣，以跣躡作義
器為服，日夜不休，以自苦為極。曰：不能如此，非禹之
道也。不足為墨相。墨勤之弟子，五侯之徒，南方之墨
者，若獲已，幽郢陵子之屬，俱誦墨經，而倍謫不同。相
謂別墨，以堅白同異之辨相訾，以觴偶不許之辭相
應。以巨子為聖人，皆願為之。乃與得為其後世至今

不決墨翟滑釐之意則是其行則非也將使後世之墨者必自苦以腓無腓脰無毛相進而已矣亂之上也治之下也雖歟墨子真天下之好也將求之不得也雖枯槁不舍也才士也夫藏元潤也史記曰監門之養不穀于此猶偶即奇偶也不許所答非所問也是其倍矣諱許也苦獲已者行而得之沒齒而已因以爲號

諱曰世上溫飽面目太可厭生故急稱之爲才士只是心切天下故曰其於王也遠矣信知莊子非忘世不仁之流

杖云今日之宗教亦大類此若不得提宗者出則佛亦雖能獨任奈天下何者也不得全提正宗者

出則今日之敗拂國險者。會如別墨否耶。

北手其似然也
然于利欲之世
可作涼藥為其
倫約而為人多
也世有假和無
假相聞人扶弱
不扶強

不累於俗。不飾於物。不苟於人。不枝於私。顧天下之
安寧。以活民命。人我之養。畢足而止。以此白心。古之
道術。有在於是者。宋鉞音尹文聞其風而說之。作為
華山之冠。以自表。按萬物以別者。為始。諸心之容。命
之曰心。之行。以胸合驩。以調海內。請欲置之。以為王
見侮不辱。救民之鬪。禁攻寢兵。救世之戰。以此庸行
天下。上說音下教。雖天下不取強。上勝而不合者也。
故曰。上下見厭而強見也。雖然。其為人太多。其自為
太少。曰。請欲固置五升之飯足矣。先生恐不得飽。弟

宋魏楊文都被
墨子挂出

樂航其行談談
無任惟拍旋旋
與物宛轉今就
昭昭靈靈之現
是以爲列子之
解心用形若非
其類耶只爲虛
流懸折情不如
倚歸自理心
此與齊物論相

于雖饑不怠天下日夜不休曰我必得活哉國傲于
救世之士哉曰君子不爲苛察不以身假物以爲無
益於天下者明之不如已也以禁攻廢兵爲外以情
欲寡淺爲內其大小精粗其行適至是而止从因謂

也。臣備黃公紹又作論語列莊子
皆訛矣。楊倞註荀子。宋劉卽朱無。

公而不黨易音而無私決然無主趣物而不兩不顧
於慮不謀於知於物無擇與之俱往古之道術有在
於是者彭蒙田騁慎到聞其風而悅之齊萬物以爲
首曰天能覆之而不能載之地能載之而不能覆之
大道能包之而不能辯之知萬物皆有所可有所不

去多火而斷情
曰不知道後世
執德惡別以告
子敗德者大相
在此矣若知微
勉作勉亦可通
鬼有門
解曰就三際
與諸者并惟前
乾斷毛不存知
解非不師習慈
毛超出兩頭非
合是與非手罪
通如須彌山聚
能未嘗有罪耶
是是求人之理
無知之物解可
笑而置之若假
微斷知解以爲
格量之乃兩其

可故曰選則不徧教則不至道則無遺者矣是故慎
到棄知去已而緣不得已音泐音汰於物以爲道理曰
知不知將薄知而後鄰傷之者也謏慤無任而笑天
下之上賢也縱脫無行而非天下之大聖惟音退相乾
斷與物宛轉合是與非苟可以免不師知慮不知前
後魏音然而已矣推音而後行曳而後往若飄風
之還若羽之旅若磨石之隧全而無非動靜無過未
嘗有罪是何故夫無知之物無楚已之患無用知之
累動靜不離于理是以終身無譽故曰至于若無知
之物而已無用賢聖夫塊不失道豪傑相與笑之曰

官教大之託數
 子為性以疑世
 義名棄保蓋為
 所議雖欲笑之
 早已眼去毒矣
 哀哉安哉其後
 却莊子之特地
 打獨以開後世
 之眼其功不小
 而後世尚自傳
 陰險之足張望
 銷之項矣哉
 哉黑口只如朝
 服有鄉儼玩楊
 解于雙關是嬰
 為西樣耶是楚
 用滿疑耶此亦
 製成大體正國
 天下太平正問

慎到之道非生人之行而至成人之理適得怪焉用
 駢亦歿學於彭蒙得不教焉彭蒙之師曰古之道人
 至于莫之是莫之非而已矣其風竄音歿惡可而言
 常反人不聚觀而不免于飢音斷其所謂道非道而
 所言之趨不免于非彭蒙用駢慎到不知道雖歿槩
 乎皆嘗有聞者也漢與諸同釋言謂也隨聲也或
 藏一日當時嘗弄楊墨而此敘諸子不及楊此固
 楊之流也莊子其有所諱乎莫之是莫之非而已
 非莊子之實合乎莊子以向上一着神而藏之形
 容相反而實相成其說往往流於養生以世人惟

如何是大體曰
無安排處如何
是聖人之道下
因果歷然
答問曰本與教
打作兩橛可也
然西勝似教即
莫詳謂言以早
故然謂言知彼
正以教而莫辨
為不事境
自下而三家正
受曰教賢人解
得曰復達人道
用曰隨且問具
其暇就其隨與
隨時之義何
多少世謂隨
其動靜而隨
耳聖人之隨隨

愛生故以此模誘出名利之模亦猶佛知人之畏
死而終日為生死之說也聖人則因二以濟民行
而已矣

以本為精以物為粗以有積為不足澹然獨與神明
居古之道術有在於是者關尹老聃開其風而悅之
建之以常無有主之以太一以濡弱謹下為表以空
虛不毀萬物為寶關尹曰在已無居形物自著其動
若水其靜若鏡其應若響勿^音忽乎若亡寂乎若清同
焉者和得焉者失未嘗先人而嘗隨人老聃曰知其
雄守其雌為天下谿知其白守其辱為天下谷人皆

其簡與復而時
雨化之無則老
于是孰隨者乎
猶是儒學不肯
隨人者哉有後
而先終則始冬
關復見四時春

取先已獨取後曰受天下之垢人皆取實已獨取虛
無藏也故有餘歸然而有餘其行身也徐而不費無
爲也而笑巧人皆求福已獨曲全曰苟免于咎以淡
爲根以約爲紀曰堅則毀矣銳則挫矣常寬容于物
不削於人可謂至極關尹老聃乎古之博大真人哉
高皇曰古今以老子爲虛無謬哉老子密三皇五
帝之仁法天正已動以時而舉令安言簡而意淡
時人不識爲好仙佛者假之

弱侯引柱已無形物自著以虛空不毀萬物爲
寔証老子之非沉空守寂然只是變討便安耳張



自問此心究竟
無意乎說則別
然乎非乎到此
亦自不能答
問老手昧乎而
已
遊之謂長吉謂
蛇神不足為其
靈荒誕幻也且
以操子休之癡

元長曰老莊討便宜然先御甘心吃虧聖人曰不
壞正法任汝便宜達士曰得便宜處失便宜

叔云此處獨標博大真人而後自述其神化莫測
正以敘諸家而賣弄其三不收八不就也

寂寞無形變化無常歟與生與死天地竝與神明往
與苾乎何之忽乎何適萬物畢羅莫足以歸古之道
術有在於是者莊周聞其風而悅之以謬悠之說荒
唐之言無端崖之辭時恣縱而不儻不以觴見之也
以天下為沉溺不可與莊語以卮言為曼衍以重言
為真以寓言為廣獨與天地精神往來而不傲倪於

太史曰洗淨自
 恣以適己臣曰
 句句是定非過
 為夸誕者何以
 見得世林自說
 破不可莊語自
 非欺人到底明
 矣王龍曰不辯
 于此必辯于彼
 熟處難忘有道
 君子不免也層
 樓松風別錄本
 皆抱朴子非是
 按氣年見達十
 層尼之真樂哉
 但日憶無過也
 不曾掛元子觀
 反是語語實皮
 不關痛癢

萬物不譴是非以與世俗處其書雖環瑋而連升升
 古無傷也其辭雖參差而詎詭可觀彼其克實不可
 以已上與造物者遊而下與外或生無終始者為友
 其於本也弘大而辟淺閔而肆其于宗也可謂稠音
 適而上達矣雖然其應於化而解於物也其理不竭
 其來不斲芒乎昧乎未之盡者連升亮轉見
 陸方壺曰莊叟自敘道術乃扛著書上見得句句
 是實卻非他人過為夸誕者雖然下一轉語正謂
 上達之妙不離下學之中
 愚曰莊子雖稱老子而其學實不盡學老子故此

歷特安學者不
 也其謂安得
 觀其而為所感
 道問已然無
 非有毛如何道
 得乎有可代
 天其謂安得
 歷特安學者不

不能服人之心辯者之困也惠施以其知與人之
 辯特與天下之辯者為怪此其抵也然惠施之口談
 自以為最賢曰天地其壯乎施存雄而無術南方有
 倚人焉曰黃綰問天地所以不墜不陷風雨雷霆之
 故惠施不辭而應不慮而對徧為萬物說說而不休
 多而無已猶以為寡益之以惟以反人為實而欲以
 勝人為名是以與眾不適也弱于德強于物其塗隴
 矣由天地之道觀惠施之能其猶一蚤一蠅之勞者
 也其於物也何庸夫克一尚可以愈貴道幾矣惠施
 不能以此自寧散于萬物而不厭卒以善辯為名惜

愚者曰龍生縱
 愚施為草竊而
 已為後耕巧矣
 茂春刀吐火略
 近戲總是弄新
 戲人
 胡易曰龍施之
 語名寔不遺小
 大長短寔寔無
 窮而已其寔易
 之反胡胡胡胡
 益地出外推經
 公西者龍用之
 理于胡胡天上
 謂謂下天新建
 所謂鍾未鳴時
 森天諸地錄既
 鳴時故大實地
 非顯顯于平人
 不自顯而歷

日適越而昔來連環可解也。我知天下之中央。燕之
 北。越之南是也。汜愛萬物。天地一體也。惠施以此為
 大觀于天下。而曉辯者。天下之辯者。相與樂之。卵有
 毛。鷄三足。郢有天下。犬可以為羊。馬有卵。丁子有尾。
 火不熱。山出日。輪不踈地。日不見。指不至。至不絕。龜
 長于蛇。矩不方。規不可以為圓。鑿不圓枘。飛鳥之景
 未嘗動也。鉞矢之疾。而有不行不止之時。狗非犬。黃
 馬驪牛。三白狗黑。狐貉未嘗有母。一尺之棰。日取其
 半。萬世不竭。辯者以此與惠施相應。終身無窳。桓闢
 公孫龍辯者之徒。飾人之心。易人之意。能勝人之口。

司馬公問謝
事猶恐其
無一入去
謝曰故當是其
夢也不得
日五中言
去人不知耳
須溪云惠施堅
自持以下
情而聽者
感焉

處特立一帽子自戴之非芒屨也何能滑稽非滑
疑也何能稠適而上遂乎萬物畢羅莫足以歸有
捉取此老曼衍藏身處者否莊子若生今日其必
舉本數末度六通四辟之畢羅重新註解明矣雖
然如此說來又滑一疑

惠施多方其書五車其道舛駁其言也不中麻音歷物
之意曰至大無外謂之大一至小無內謂之小一無
厚不可積也其大千里天與地界山與澤平日方中
方睨物方生方歿大同而與小同異此之謂小同異
萬物畢同畢異此之謂大同異南方無窮而有窮今

或曰既然遠方之徒又要許多費董作摩曰自非閒人不暇擬弄

受也者曰莊生急於遺放以中恒端而見其書者驗說說走次後且證非生地而者有幾而論莊生驗為之筆鋒以縱張者可勝計耶或曰證地位者勿論給給與生書亦不見也開有目者思云學古者拙以書者少千古

千惠施之才駘蕩而不得逐萬物而不反是竊譽以

聲形與影競走也悲夫智按解即歷也聲物皆以小人為長短虛實互換而顯其道

通為一耳下子蝦蟆首生有尾長則尾化而鼓則日蝦蟆有尾耳升毫羽侯元美皆爭解指書象字似支

公孫龍談臧三耳屈孔子高子高曰言兩耳甚易

而是也言三耳甚難而寔非也君從其易而是者

乎從其難而非者乎平原君曰子高理勝于辭韓

嬰曰辯有三至五勝別殊類使不相害序異端使

不相悖喻公通意揚其所謂使人預知焉不務相

迷故辯可觀也繁文以相假飾辭以相怙數譬以

相移外人之身使不得反其意則論便然後害生

止是說習一莊
子中誰客學誰
客似乎或曰為
其字起始字人
欲開身曰縣平
通我曰肉欲
不能上之
歡其至洋
非學可也
此以後言神詞
者甚多其效
可指矣平傳書
結曰事勢之施
相激使然為是
怪焉要胡老夫
曰可惠施一役
觀之自此以後
天下之以詞標
為方而以稱空

也夫不疏其指而弗知謂之隱外意外身謂之諱
幾庶倚跌謂之移指緣謬辭謂之苟君子不為也
詩曰無易內言無曰苟矣。

劉舉曰道體廣大包覆無遺內聖外王者本末先
後一萬未嘗不通也故時出時處能長能短以矯
枉而向當其變焉伏羲非無添也而成于堯二帝
非無政也而備于周不先時而好新不後時而玩
故此聖人之在上者有所不能盡備也伊尹任也
伯夷矯之以清清近隘也柳下惠濟之以和不逆
世以聶節不循俗以造名此聖人之在下者有所

爲道者其術已
可睹矣以反人
爲實而以勝人
爲名事勢之流
相激使然豈足
怪哉有破則已
矣復載官版
理度通此篇之
首度數本末四
群六通通無不
在然奈情于格
致遂至掉尾漫
人嗟乎雲門棒
佛又棒雲門雖
似戲場卻也冒
着神而明之能
有幾人安得一
一核定破其隱
占定歸牛掉尾
恣盡撒教機酒

不能盡全也道至于孔子而後集大成蓋幾千百
季而一出孔子之上聖人之因時者有不得已也
孔子之下諸子之立教者各是其是也道德仁義
裂于楊墨無爲清靜墜于田彭莊子欲復仲尼之
道而非其時遂高言以矯異復朴以絕華沉溺不
可莊語故荒唐而曼衍蓋謂道非集大成之時則
雖博大真人猶在一曲老則一書得吾之本故調
適而上遂惠子一書得吾之末未免一曲而已嗚
呼諸子何嘗不尊仲尼哉知其所以尊者莫如莊
子學者致知于言外可也

韓子一怒一嘆
 楚任漆而破國
 從漢誰害身尾
 史記孟子傳中
 言韓子之江不
 經光也小物推
 至無舉始也蓋
 耳要歸仁義或
 曰伊尹負鼎而
 勉湯以王百里
 美飯牛而繆公
 用竊作先令然
 後引之大道窮
 行其言雖不軌
 備亦有牛鼎之
 意乎然山曰此
 于利墨翟至惠
 施七段然亦有
 牛鼎之意乎洛
 經也何下上

焦云惠施與公孫龍語絕相類范無隱云恢悅情
 怪道通爲一存而勿論然莊生所述一曲皆道也
 曾端甫曰百家言皆成理雖至中韓刻薄鼓吻訢
 然此非申韓之奇而道之奇也然奇可在道不可
 在人奇在人則害矣故百家之書要以兼存而互
 抑其奇不可獨行于世獨行則赤箭與豕零共敗
 互抑則雞毒與青芝同功易曰險之時用大矣哉
 于睽也亦云險與睽宜無用而就知其用之大也
 潛艸曰莊子首言惟中言畸人末言倚人畸倚皆
 奇也佛曰奇哉以毒攻毒惠施造惑以解惑而天

謂之爲新機作
合萬世且意終
不出此孔北海
曰西牛之精以
烹雞夜之以進
子爲牛鼎者須
去物忌道將一
句來

王元美曰莊子
亦人中天生其
位業所受則天
中人也其言有
然狀而出世如
有則亦人中天
也出而不能盡
不幾如大經民
者則又天中人
也自莊子之言
出而後或獵其
詩或資其理或

下篇總解之人皆好奇而臆庸好勝而護短是真
奇人亦不可禁惟聖人能化之數度倫理易之端
幾協藝業業足以竭其智力彼究安能欺耶莫奇
于佛而向上歸無所得現前空住空位止有一事
相卽是性豈以圓融廢行布哉

杖云又何妨於實有又何妨於實無此中悟得亦
神化也然惠子恰未嘗悟此而莊子乃能盡述其
奇而捉敗之此正莊子之全機大用得惠子這一
段以神其一生之妙密也誰謂天下此篇不藏天
下于天下哉此莊子於自己箭上加尖形容惠子

然其意或將其
 說皆有以索之
 難狀其間有以
 求之於彼然則
 也吾乎之存其
 目宜而已於其
 者其然與也其
 者其亦是年最
 此能曰為王成
 易為宋莊雖下
 善之生童不境
 丙吉之不言更
 難

之怪以展其不傳之秘而設陷虎之機惠子跳上
 三十三天亦跳不出他金剛圈也然有把斷要津
 不通凡聖之手眼在杖人到這裏且放過他一着
 且道何處是放過莊子處若這裏別具得隻眼則
 莊子之孤尚有在也切忌與混沌曉得奇侍者曰
 卻被大奇曉得也杖云汝曉得箇甚麼曰和尚以
 莊子為托孤實是和尚托孤于莊子而莊子又因
 得托孤於和尚也杖曰但得混沌不知便了汝等
 知得又何妙乎奇亦笑曰如此則畱一部莊子公
 諸千古不怕人鑿破矣

青原信口弄始
見山是山見水
是水參學知識
後見山不是山
見水不是水今
則見山祇是山
見水祇是水如
此三層編得
出否德山贊錄
曰如何是知見
立知曰山是山
水是水如何是
知見無見曰山
不是山水不是
水又問如何是
知見無見曰山
不是山水不是
水如何是知見
無見曰山是山
水是水程子曰

平應篇曰公孫龍惠施非芥山毛海之助歟曰破
象家取以祛苟庸之陋解膠柱之拘而後變破以
歸平寔耳偏才者巧以駭人而襲術者卒無以辯
辯亦不當也苟欲會通一貫渙徹幾先蛇糾鬼攫
不受疑惑寧可不一過此關乎方圓鑑曰觀山河
如手一葉碩果之仁天地也小中本大大中本小
矣非惟片紙圖萬國六合吹脰豆而後微也晝夜
通古今元會猶呼吸長中本短短中本長矣非惟
千秋在一字黃梁畢一生而後微也空廓隱顯無
非象數森羅萬睹萬聞原自無聲無臭虛中本實

人指東為東
 指西為西智者
 知東不必為東
 西不必為西聖
 人明于定分以
 東為東以西為
 西互觀數則三
 翻西折反復交
 絡連去奇正磨
 不然而也耶愚
 者歎曰能得幾
 人少不得一場
 通泰
 智識涉諳自號
 中庸云未持特
 塔不妄思長亦
 一奇也且繁歡
 口能批飲聞次
 賢釋碑和月餘
 不喜怪也

實中本虛矣。非惟柳心納萬卷鏡光如泡影而後
 微也。易為三才萬理作大譬喻。反對環中方圓費
 隱莫破莫載。同時變化。幾人現前耶。執目前之習
 見而不能大觀。偏蔽不化。一切反而觀之。一切推
 而進之。則豁然矣。本無大小長短虛寔矣。然執之
 又一病也。聖人明定中之不定而決于不定中之
 一定。明大定之各定而決于時用之細定。即大定
 也。故曰一切本無而一切歷歷。即差等為平等。豈
 必夷岳填壑。林樛寒暑哉。內外也。頓漸也。生成也。
 予奪也。亦猶是也。貞夫一者。知貫則用中矣。兩忘

三才圖會
卷之九
三十七
則至公矣。自盡則本忘矣。物其物。倫其倫。時其時。正是物情。俗不可醫。藉此醫之。東漢分善。世運世西。種牛。庸一。龍謂出類拔萃。必是奇才。元瑞謂莊以奇清成。奇文直饒後人批判。能免于見奇。則真其太誤。不如一笑。子宜與中通。莊竊太西之所未至。如神九。顯逆之謙。影變光肥之論。實天地以東所未聞也。愚曰。可惜。苗稼。惠施不來。與他一

則至公矣。自盡則本忘矣。物其物。倫其倫。時其時。位其位。猶官。肢持行之。不容。迴避。不容。造作也。歷然。各當而寂然矣。物格。踐形。無心。無物。立泯于統。統泯于立。皆贅語矣。以莊之曠達。而必寓諸庸。以禪之玄變。而曰了事。凡夫中庸。何能逃乎。中庸不可能也。

揭曉曰。五老峯。擬惠子與莊子。書五車吐氣矣。藥地曰。正為漆園吐氣耳。近日者。又有一招。藥為世。謂惠莊與宋儒。必未炭也。講學開口。動稱萬物一體。孰知此義之出於惠施乎。世又謂惠施與公孫

龍皆用倒換機鋒。禪語襲之。愚謂不然。禪家止欲
塞斷人識想。公孫龍翻名寔以破人。惠施不執此
也。正欲窮大理耳。觀黃絲問天地所以不墜不陷。
風雨雷霆之故。此似商高之周髀。與太西之質測。
核物究理。毫不可繫空者也。豈畏數迷玄竊冒總
者所能答乎。又豈循牆守常局咫尺者所能道乎。
惠子相梁。事不槩見。其不屑儀衍一輩明甚。雪綏
葬期亦忠誠之一斑也。梁既休平。惠亦善終。彼處
戰國而全其天。與曳尾泥中。復何殊耶。斯人也。漢
明大易之故。而不矜莊士之壘。以五車藏身弄眼。

總不係
此有賦以天下
托天下何必建
鼓求亡于哉只
為生者而路
皆道極慘者三
劫過甚沒奈何
災者救且少不
得早暮一過孤
兒行同嚼水者
多頭運代業

者乎。愚故表而出之。

號室口當頭怒笑生風。末後畢羅芒昧。若不得惠
施麻物。斃段則大曲無滾遍。囉哨又何貴。以本律
煞尾乎。噓噓或嫌雪黑。或嫌漆白。大同異小。同異
畢竟如此。往而不反。百禱碎。豈憂裂耶。可笑托孤
雙選。弄作岐頭一腳。情知兩邊皆素。不妨圖劣。支
離雖然焚欽。舞更郎當帖。出家筆且歸。竟南渡
樂部有早行孤。迂行孤。雖孤正為。簾子捨父。所以
建鼓求亡。乃今索性。寄煞細聲了。此獨結哀歌之
曲。筆夢漆吏曰。前言戲之耳。

炮莊末後語

莊子曰。子得千金之珠。父取石來鍛之。荷鄒甘。日中奪戶。日老
龍歟矣。神農暴然放杖而起。猶不悟。龍女令珠成男。善財開闢
旋閉耶。子歸就父。父金不顧。若非反擲。豈信刀斧砍不開乎。凡
相生相續。皆相鍛也。愚者今日重與漆開一鍛。要筆一鍛。藥地
一鍛。藏天下於天下。卽今天下自炮而自吞吐之。何必斤斤託
孤云爾耶。洞山曰。半肯半不肯。若全肯。卽孤負先師。光孝曰。庭
前柏樹子。先師無此語。莫謗先師好。兩個孤老。如此吞吐。其不
孤負處。是誰知之。珊瑚枕上。觸著嘗啼。拈尾作頭。未免失笑。然
則此一尾聲。不可以已乎。目佐鍛。

侍者真釋錄

王右軍書於之聖者也。其于獻之曰。大人宜改體。外人那得知。
墨池環錄曰。右軍字似左氏。大令字似莊周。山谷此言。猶以于
美比馬遷也。倪文正曰。堯以天下禪舜。舜舉堯之天下而更禪
之。伏羲八卦至文王。盡舉其舊序顛亂之。莊之滑稽。後之炮莊。
不過明眼。誰知其指所。在。宗分五葉。至汾陽時。有十五家。今止
二枝。齟齬日下。將任其攪而極自反乎。不塗炭。則優柔。世出世
間。有不客不言。而又不客言者。男兒自有衝天志。不同如來行
處。行。別傳。又別傳。托孤漆園。消此粥飯。不亦可乎。浮山老人。鑒
破古今。不忌風。願時哉。雄噫。難違。總站。不如端木。一何。何常之。
有。豈不更爲孤兒。作韓厥哉。

藥地學人興朝識

炮莊後跋

道法外馳瞞預莽涉意盡庸醫誤之而奇醫更誤之也傷哉百
姓日用而不知耳吾師藥地老人痛傷其心發大悲憫不忍坐
視流毒乃拈一莖草爛燒令竈炮製君臣五味殺活古今因法
救法廣施針艾用醫天下後世之誤中鉤吻多頭者於是咀南
華片而表裏之竊笑近時專門画狗剽取皮毛描寫裝潢以當
自洋還還諱疾忌醫又誰信有此通理萬法之靈樞哉余小子
柄不敏流離多難浪入空門一向膏肓从矣幸遇醫王應症與
藥飲我上池年來狂解少廖正恐鵬鵬神方龍宮秘而不洩願
質諸同病相憐者亦可以作寬胸劑也嗟夫漆園之經正矣葉

地之心苦矣誰其服之又誰其信之此書一出九轉丹田蛻化
生灰下藥上藥療盡世間痼癘又何拘于方之內方之外乎神
而明之存乎其人精一用中萬世無悖噫炮莊者是又余之一
旦暮遇也夫闕達執徐修襖暮春鄧林舊徒塔然慙炳謹跋
作易者其有憂患乎正爲君子謀耳三陳九卦與稱而隱炮莊
者稱而隱矣莊子生戰國不可莊語故爲賢智者引之述世無
閤何暇斤斤與愚不肖較耶藥地吾師集千年之讀者毀者聽
人滑疑何姑正爲血告之不信也我叩其兩端而竭焉彼自得
之而用其中矣藏密同患緣不得已時義一也旁通兼中與稱
而隱寧無知思者乎瀟龍學人彭舉謹識